

EXCERPTA E LIBELLO PRECUM IN ORDINE TRADITARUM

★ Summarium	718
★ Prænotanda	719
★ Orationes circa mysterium Dei et œconomiam salutis	721
★ Orationes ad Sanctos Ordinis nostri	735
★ Orationes variæ et Sanctis nostris tributæ	743
★ Orationes pro peculiaribus adiunctis	757
★ Litanie B. Mariæ Virginis ab Ordine receptæ	778

SUMMARIUM

Prænotanda	719
----------------------	-----

I. Orationes circa mysterium Dei et œconomiam salutis:

Divinæ misericordiæ viæ	721
Ad Christum crucifixum:	
— Versus de Passione D. N. Iesu Christi	723
— Absorbeat, quæso	725
Pro cultu mysterii eucharistici:	
— Rhythmus: Adoro te devote	726
— Tropus: Ave verum	727
— Preces ante et post Communionem eucharisticam vel Missam	727
Ad Spiritum Sanctum: Sequentia	730
Ad B. Mariam Virginem:	
— Oratio ab omni religioso dicenda	731
— Virgo Dei Genetrix	734

II. Orationes ad Sanctos Ordinis nostri:

Ad S. P. N. Dominicum:	
— Oratio beati Iordani de Saxonia	735
— Preces in honorem S. Patris Dominici	739
Ad quosdam Sanctos O.P.	742

III. Orationes variæ et Sanctis nostris tributæ:

Orationes super Evangelium	743
Orationes pro variis necessitatibus:	
— Ad veniam pro peccatis impetrandam	745
— Ad vitam sapienter instituendam	746
— Ante lectionem, scriptionem vel prædicationem	748
— Pro obtinendis virtutibus	749
— Pro impetranda contemplatione	750
— Pro gratiarum actione	751
— Pro impetranda fidelitate	752
Adhortatio et Oratio de septiformi affectu ad Iesum crucifixum	752
Benedictio infirmorum in nonnullis Provinciis O.P. adhibita	755

IV. Orationes pro peculiaribus adiunctis:

Pro Capitulo generali vel provinciali et euntibus ad illud	757
Preces pro Familia Dominicana et pro benefactoribus	764
Benedictio pro itinerantibus	773

V. Litanie B. Mariæ Virginis ab Ordine receptæ 778

Supplicatio pro filiali dedicatione Beatæ Mariæ Virgini	783
---	-----

PRÆNOTANDA

1. Supplementum hoc III elementa quædam præstantiora continet e Libello precum Ordinis de prompta, editione partim renovata. Preces in hac Appendice insertæ devotionem erga Sanctos Ordinis nostri exprimunt, necnon ipsorum orationis et contemplationis amorem et studium excolunt.

Elementa hæc diligenter examinata et iuxta normas typographicas hodiernas edita sunt, ad structuram intimam cuiusque textus detegendam.

2. Origine historica seriore vel recentiore atenta, elementa hæc in quinque sectiones distributa sunt:

- I. de mysterio Dei et œconomia salutis;
- II. preces vel textus in honorem Sanctorum Ordinis nostri, præcipue sancti Patris nostri Dominici;
- III. preces sancto Alberto vel sancto Thomæ vel sancto Vincentio Ferrer traditione nostra tributæ;
- IV. formulæ benedictionum, precum et aliqua schemata pro peculiaribus adiunctis nostrarum Communitatum (electiones, etc.);
- V. Litanie B.M.V. ab Ordine receptæ.

3. Elementa historica et critica explicant qua de causa aliquæ preces vel formulæ Sanctis quibusdam tributæ fuerint et quare hæc paternitas effecerit ut ipsæ in Libellum precum O.P. sint receptæ.

a) *Preces ante et post Missam (727):*

Omnibus cognita sunt devotio qua S. Dominicus Eucharistiam celebrare solitus erat et munus quod S. Thomas exercuit in conficiendo Officio Sollemnitatis Corporis Christi.

Primum sæculo xv, ac postea constanter sæculo xvi, orationes quæ sequuntur sancto Thomæ fuerunt tributæ, sed antiquiores sunt.

b) *Orationes super Evangelium* (743):

Hæ dominicanæ antiquitatis orationes, in Medio Ævo compositæ, iam exeunte sæculo xv sancto Alberto Magno tributæ sunt. A textis biblicis liturgiæ illius temporis suggestæ, exemplum afferunt orationis privatæ ad liturgiam ac textus sacros alte attingentis.

c) *Orationes ad beatam Mariam Virginem* (731) *et pro variis necessitatibus, sancto Thomæ tributæ* (744):

Devotio erga B. Mariam Virginem iam inde ab infantia S. Thomæ manifesta est, ut Guillelmus de Tocco testatur (c. 4). In operibus postea per totam vitam Thomæ elucescit (cf. *In Sententiarum libris, Summa Theologiæ*, etc.) et in visione B. Mariæ Virginis (Tocco, c. 33). Novissime ac pulcherrime hæc devotio manifesta erit in sermonibus *Super Ave Maria* anni 1273. Frater Thomas de Aquino studendo atque orando tempus complebat eique oratio intima vis studii erat nec aliquid ipse faciebat nisi prius oraret (*Proc. can.*, 45, 58).

Textus qui sequuntur credibiliter exprimunt quomodo Fratres Ordinis sæculo xvi sancti Thomæ exemplum sequi voluerint.

4. Sectio IV aliquarum orationum, e Collectario et e Processionario O.P., renovationi respondet. Hæc nova formularia, quæ facile aptari poterunt, ex Liturgia et Sacra Scriptura necnon ex moribus nostris hauriunt. Proponuntur vero Capitulis conventualibus ut monitiones quæ orationem communitatis foveant efficiantque ut Communitas ipsa respondere possit aliquibus exigentiis Constitutionum ad orationem vel ad celebrationes regulares pertinentibus.

I. ORATIONES CIRCA MYSTERIUM DEI ET ÆCONOMIAM SALUTIS

Divinæ misericordiæ viæ

O amor inæstimábilis,
o dulcis amor, ignis ætérne!
Tu es ignis qui semper ardes,
o alta et ætérna Trínitas!
Rectus es absque ulla tortuositate,
simplex, absque duplicitate
et sincérus absque ulla fictiône.
Novi quod misericórdia tibi própria est,
immo ad quidquid me considerádo convérto
nihil invénio absque misericórdia tua;
ideóque curro et clamo ante misericórdiam tuam
ut fácias misericórdiam cum hoc mundo.

I

O Véritas ætérna, quæ est doctrína tua?
Quod est iter per quod opórtet nos
accédere ad Patrem?
Néscio áliud vidére nisi quod tu, Verbum ætérnum,
pavimentásti réalibus virtútibus
ignis caritátis tuæ,
quas ædificásti pretióso ságuine tuo:
hæc est quidem via.
O ineffábilis et dulcíssima caritas,
tu es Deus noster
qui solúmmodo vis sanctificatióem nostram.
Hoc patet evidénter in ságuine Fílii tui,
qui propter nostram salútem cucúrrit
ad opprobriósam mortem sanctíssimæ Crucis.

II

O quam própria est tibi misericórdia,
Véritas ætérna!

Misericórdia tua creávit nos;
 misericórdia tua redémit nos a morte ætérna.
Misericórdia ipsa regit nos
 et détinet iustítiam tuam.
Ipsa misericórdia differt mortem nostram
 tribuéndo tempus in quo possímus
 ad te revérsti et tibi reconciliári.

Ex misericórdia dimisísti cicatríces
 in córpore Agni unigéniti tui,
ut cum ipsis coram maiestáte tua
 pro nobis misericórdiam póstulet.

Misericórdia tua nóluit quod Agnus immaculátus
 solúmmodo única gutta cruóris sui
 redímeret genus humánum,
nec cum pœna solúmmodo uníus membri,
 sed cum toto ságuine
 et totíus córporis sui pœnis.
Et hoc ex virtúte Deitátis infinítæ
 unítæ cum natúra nostra finíta:
humánitas passa fuit in Verbo,
 Déitas vero sacrificíum acceptávit.

III

O Verbum ætérnum, Fílii Dei,
 et unde hoc quod habuísti
 perféctam contritióem culpæ,
cum in te numquam fúerit
 venénium peccáti?
Vídeo quod voluísti satisfácere
 cum corporáli et mentáli pœna,
sicut corporáliter et mentáliter
 homo commíserat culpam.
Peccávi Dómino, miserére mei.

[S. Catharina Sen., Oratio XIX:
ed. G. Cavallini, Roma 1978, p. 219]

AD CHRISTUM CRUCIFIXUM

Versus de Passione Domini Nostri Iesu Christi

S. Catharinæ de' Ricci († 1590) instar, communitates Ordinis meditationi Passionis Domini libenter se dederunt, cantando infrascriptos Versus, e Sacra Scriptura excerptos. Hic datur textus integer sed aliqui versus tantum in usu haberi possunt pro celebrationibus, Tempore Quadragesimæ, et etiam ut « preces » in Vesperis.

Post brevem monitionem (vel biblicam lectionem), ante imaginem D. N. Iesu Christi crucifixi, vel iconem, Cantor cantat, mediocri voce, infrascriptos Versus, intermittens versibus pausam meditationi faventem.

1. Amíci mei et próximi mei: *
adversum me appropinquavérunt et
stetérunt. Ps 37, 12
2. Tráditus sum et non egrediébar: *
óculi mei languérunt præ inópia. Ps 87, 9b-10a
3. Et factus est sudor meus: *
sicut guttæ sánguinis decurréntis in
terram. Lc 22, 44b
4. Circumdederunt me canes multi: *
concílium malignántium obsédit me. Ps 21, 17
5. Corpus meum dedi percutiéntibus: *
et genas meas velléntibus. Is 50, 6a
6. Fáciem meam non avérti ab
increpántibus: *
et conspuéntibus in me. Is 50, 6b
7. Quóniam ego in flagélla parátus sum: *
et dolor meus in conspéctu meo
semper. Ps 37, 10
8. Mílates plecténtes corónam de
spinis: *
imposuérunt super caput meum. Io 19, 2
9. Foderunt manus meas et pedes
meos: *
et dinumeravérunt ómnia ossa mea. Ps 21, 17b.18a

10. Et dedérunt in escam meam fel: *
et in siti mea potavérunt me acéto. Ps 68, 22

11. Omnes vidéntes me derisérunt me: *
locúti sunt lábiis et movérunt caput. Ps 21, 8

12. Ipsi vero consideravérunt et
inspexérunt me: †
divisérunt sibi vestiménta mea, *
et super vestem meam misérunt
sortem. Ps 21, 19

13. In manus tuas comméndo spíritum
meum: *
redemísti me, Dómine, Deus veritátis. Ps 30, 6

Hic chorus repetit: In manus tuas, etc.

14. Meménto famulórum tuórum,
Dómine: *
dum véneris in regnum tuum. Cf. Lc 23, 42

Altior voce:

15. Iesus autem emíssa voce magna: *
trádidit spíritum. Mt 27, 50

Quo cantato longius protrahitur silentii tempus cum aptato gestu (prostratione vel genuflexione); et Cantor versus prosequitur, altior voce, et singulos versus eadem pausa distinguens.

16. Misericórdias Dómini: *
in ætérnum cantábo. Ps 88, 2

17. Vere languóres nostros ipse tulit: *
et dolóres nostros ipse portávit. Is 53, 4

18. Ipse autem vulnerátus est propter
iniquitátes nostras: *
attrítus est propter scélera nostra. Is 53, 5

19. Omnes nos quasi oves errávimus: *
unusquisque in viam suam declinávit. Is 53, 6a

20. Et p[ro]s[er]uit in eo D[omi]nus: *
iniquit[ate]s o[mn]ium nostrum. Is 53, 6b

21. Exs[ur]ge, quare obd[orm]is, D[omi]ne? *
exs[ur]ge, et ne rep[el]las in finem. Ps 43, 24

Hic chorus repetit: Exs[ur]ge, quare obd[orm]is, etc.

Et Cantor subsequitur: Exs[ur]ge, quare obd[orm]is, etc.

22. Ecce Deus Salv[ator] meus: *
fiduc[ia]liter agam et non tim[er]o. Is 12, 2

23. Te ergo, qu[ae]sumus, tuis f[am]ulis
s[ub]veni: *
quos pretio[so] s[an]guine redemisti. Te Deum, 15

In fine dici possunt:

¶ Miserere nostri, Iesu benigne.

℟. Qui passus es clem[en]ter pro nobis.

Oratio

R[esp]ice, qu[ae]sumus, D[omi]ne, super hanc fam[ili]am tuam, pro qua D[omi]nus noster Iesus Christus non dubitavit m[an]ibus tradi noc[en]tium, et crucis subire torm[en]tum. Qui vivit.

Post hanc orationem, fratres et sorores, secundum rerum adiuncta, imaginem Salvatoris venerari poterunt. Interea cantantur hymnus Vexilla Regis vel alii cantus congrui.

[Process. O.P. 325-328]

Oratio ad Christum crucifixum

Absorbeat, qu[ae]so, D[omi]ne Iesu Christe,
mentem meam
ignita et melliflua vis amoris tui
ab o[mn]ibus, qu[ae] sub c[ae]lo sunt,
ut amore amoris tui moriar,
qui amore amoris mei
dignatus es in ligno crucis mori.

PRO CULTU MYSTERII EUCHARISTICI

RHYTHMUS

Adóro te devóte, latens déitas,
quæ sub his figúris vere látitas:
tibi se cor meum totum súbicít,
quia, te contémplans, totum déficit.

Visus, gustus, tactus in te fállitur,
sed audítu solo tuto créditur:
credo quidquid dixit Dei Fílius,
nil hoc veritátis verbo vérius.

In cruce latébat sola déitas,
at hic latet simul et humánitas,
ambo tamen credens atque cónfítens,
peto quod petívit latro pænítens.

Plagas, sicut Thomas, non intúeor,
Deum tamen meum te confíteor:
fac me tibi semper magis crédere,
in te spem habére, te dilígere.

O memoriále mortis Dómini,
Panis vivus, vitam præstans hómini,
præsta meæ menti de te vívere,
et te illi semper dulce sápere.

Pie pellicáne, Iesu Dómine,
me immúndum munda tuo Sáanguine,
cuius una stilla salvum fácere
totum mundum quit ab omni scélere.

Iesum, quem velátum nunc aspício,
oro, fiat illud, quod tam sítio:
ut, te reveláta cernens fácie,
visu sim beátus tuæ glóriæ.

TROPUS

Ave verum corpus, natum
de María Vírgine;
vere passum, immolátum
in cruce pro hómine.

Cuius latus perforátum
fluxit aqua et ságuine,
esto nobis prægustátum
mortis in exámine.

O Iesu dulcis!
O Iesu pie!
O Iesu, fili Mariæ!

[Process. O.P. 454]

**Preces ante et post Communionem eucharisticam
vel Missam**

PRÆPARATIO

Oratio S. Thomæ de Aquino

Omnípotens sempitérne Deus,
ecce accédo ad sacraméntum unigéniti Fílii tui,
Dómini nostri Iesu Christi:
accédo tamquam infirmus ad médicum vitæ,
immúndus ad fontem misericórdiæ,
cæcus ad lumen claritátis æternæ,
pauper et egénus ad Dóminum cæli et terræ.

Rogo ergo imménsæ largitátis tuæ abundántiam,
quátenus meam curáre dignéris infirmitátem,
laváre fœditátem, illumináre cæcitaté,
ditáre paupertátem, vestíre nuditaté,
ut panem Angelórum, Regem regum
et Dóminum dominántium,
tanta suscípíam reveréntia et humilitáte,
tanta contritióne et devotióne, tanta puritaté et fide,
tali propósito et intentiόne,
sicut éxpedit salúti ánimæ meæ.

Da mihi, quæso, dominici Córporis et Ságuinis
non solum suscipere sacraméntum,
sed étiam rem et virtútem sacraménti.

O mitíssime Deus,
da mihi Corpus unigéniti Fílii tui,
Dómini nostri Iesu Christi,
quod traxit de Vírgine María, sic suscipere,
ut córpori suo mýstico mérear incorporári
et inter eius membra connumerári.

O amantíssime Pater,
concéde mihi diléctum Fílium tuum,
quem nunc velátum in via suscipere propóno,
reveláta tandem fácie perpétuo contemplári:
Qui tecum vivit et regnat
in sæcula sæculórum. Amen.

[Missale Romanum, 1975², p. 933]

Oratio B. Dominici Patris nostri

Dómine Iesu Christe, Fili Dei vivi,
 fácere propóno et inténdo
quod fácere iussísti in die Cenæ,
et sancta mater Ecclésia únita fácere inténdit.
Ne despéxeris ergo me,
sed propter infinítam misericórdiam tuam
dele iniquitátes meas,
et fac me tuum idóneum et fidélem minístrum,
et súscipe hoc sacrificium de mánibus meis indígnis,
ad laudem et glóriam totíus Trinitátis
et Ecclésiæ tuæ sanctæ,
et ad proféctum mei et aliórum fidélium,
tam vivórum quam defunctórum,
pro quibus inténdo oráre,
vel qualitercúmque sim obligátus
generáliter et speciáliter,
in nómine sancto tuo.
Amen.

[BB I 13*]

GRATIARUM ACTIO

Oratio S. Thomæ de Aquino

Grátias tibi ago,
Dómine, sancte Pater, omnípotens ætérne Deus,
qui me peccatórem, indígnum fámulum tuum,
nullis meis méritis,

sed sola dignatióne misericórdiæ tuæ
satiáre dignátus es pretióso Córpore
et Sáanguine Fílii tui,
Dómini nostri Iesu Christi.

Et precor, ut hæc sancta commúnio
non sit mihi reátus ad pœnam,
sed intercæssio salutáris ad véniam.
Sit mihi armatúra fídei, et scutum bonæ voluntátis.
Sit vitiórum meórum evacuátio,
concupiscéntiæ et libídinis exterminátio,
caritátis et patiéntiæ, humilitátis et obædiéntiæ,
omniúmque virtútum augmentátio:
contra insídias inimicórum ómnium,
tam visibílium quam invisibílium, firma defénsio:
mótuum meórum, tam carnálium quam spiritálium,
perfécta quietátio:
in te uno ac vero Deo firma adhæsió,
atque finis mei felix consummátio.

Et precor te, ut ad illud ineffábile convívium
me peccatórem perdúcere dignéris,
ubi tu, cum Fílio tuo et Spíritu Sancto,
Sanctis tuis es lux vera, satietas plena,
gáudium sempitérnum, iucúnditas consummáta
et felicitas perfécta.

Per Christum Dóminum nostrum.
Amen.

[Missale Romanum, 1975², p. 934]

AD SPIRITUM SANCTUM

SEQUENTIA

Sancti Spíritus adsit nobis grátia,
quæ corda nostra sibi fáciat habitácula
expúlsis inde
cunctis vítiis spiritalibus.

Spíritus alme
illustrátor hóminum,
áridas nostræ
mentis purga ténebras.

Amátor sancte sensatórum
semper cogitátuum,
infúnde unctiónem tuam
clemens nostris sénsibus.
Tu purificátor
ómnium flagitiónum, Spíritus,
purífica nostri
óculum interióriis hóminis:

Ut vidéri suprémus Génitor
possit a nobis,
mundi cordis quem soli cérnere
possunt óculi.
Prophétas tu inspirásti,
ut præcónia Christi præcinuissent ínclita.
Apóstolos confortásti,
uti trophæum Christi per totum mundum véherent.

Quando máchinam per Verbum suum
fecit Deus cæli, terræ, márium,
Tu super aquas, fotúrus eas,
numen tuum expandísti, Spíritus.
Tu animábus vivificándis
aquas fecúndas,
Tu aspirándo, da spiritáles
esse hómines.

Tu divísum per linguas mundum et ritus
adunásti, Dómine;
idolátras ad cultum Dei révocas,
magistrórum óptime.
Ergo nos supplicántes tibi
exáudi propítius, Sancte Spíritus,
sine quo preces omnes cassæ credúntur
et indígnæ Dei áuribus.

Tu qui ómnium sæculórum sanctos
tui núminis docuísti instínctu
amplecténdo, Spíritus,
ipse hódie Apóstolos Christi
donans múnere insólito et cunctis
inaudíto sæculis,
hunc diem gloriósum fecísti. Allelúia.

[Ex Prototypo B. Humberti de Romans, f. 420 rb]

AD BEATAM MARIAM VIRGINEM

Oratio ab omni religioso dicenda

O beatíssima et dulcíssima Virgo María
Mater Dei omni pietáte pleníssima,
summi regis fília, dómina Angelórum,
mater ómnium credéntium:
in sinu pietátis tuæ comméndo,
hódie et ómnibus diébus vitæ meæ,
corpus meum et ánimam meam
omnésque actus meos:
cogitatiónes, voluntátes, desidéria,
locutiónes, operatiónes,
omnémque vitam finémque meum:
ut per tua suffrágia disponéntur in bonum,
secúndum voluntátem dilécti Fílii tui
Dómini nostri Iesu Christi;

ut sis mihi, o Dómina mea sanctíssima,
adiútrix et consolátrix
contra insídias et láqueos hostis antíqui
et ómnium inimicórum meórum.

I

A dilécto Fílio tuo Dómino nostro Iesu Christo
mihi impetráre dignéris grátiam
cum qua poténter resistere váleam
tentatiónibus mundi, carnis et dæmonis,
ac semper habére firmum propósitum
ultérius non peccánde,
sed in tuo et dilécti Filii tui
servítio perseveránde.

Déprecor te étiam, Dómina mea sanctíssima,
ut ímpetres mihi veram obœdiéntiam
et veram cordis humilitátem,
ut veráciter me agnóscam
miserum ac fráilem peccatórem
et impoténtem
non solum ad faciéndum quodcúmque opus bonum
sed étiam ad resisténdum
contínuis impugnatiónibus
sine grátia et adiutório Creatóris mei
et sanctis précibus tuis.

Impetra mihi étiam, o Dómina mea dulcíssima,
perpétuam mentis et córporis castitátem:
ut puro corde et casto córpore
dilécto Fílio tuo et tibi
in tuo Ordine váleam deservíre.
Obtine mihi ab eo voluntáriam paupertátem,
cum patiéntia et mentis tranquillitáte,
ut labóres eiúsdem Ordinis váleam sustinére,
et pro salúte própria et proximórum
váleam laboráre.

II

Impetra mihi étiam, o dulcíssima Dómina,
caritátem veram,
qua sanctíssimum Fílium tuum
Dóminum nostrum Iesum Christum
toto corde díligam,
et te post ipsum super ómnia
et próximum in Deum et propter Deum:
sicque de bono eius gáudeam,
de malo dóleam nullúmque contémnam,
neque temerárie iúdicem,
neque in corde meo alicui me præpónam.

Fac étiam, o Regína cæli,
ut dulcíssimi Fílii tui timórem
páriter et amórem
semper in corde meo hábeam;
et de tantis benefíciis
mihi, non meis méritis,
sed ipsíus benignitáte collátis,
semper grátias agam;
ac de peccátis meis
puram et sincéram confessiónem
et veram pæniténtiam fáciam,
ut suam cónsequi mérear
misericórdiam et grátiam.

III

Oro étiam, ut in fine vitæ meæ,
cæli porta et peccatórum advocáta,
me indígnum servum tuum
a sancta fide cathólica
deviáre non permíttas,
sed tua magna pietáte et misericórdia
mihi succúrras,
et a malis spirítibus me deféndas:

ac benedícta Fílii tui gloriósa passióne,
étiam in tua própria intercessióne spe accépta,
véniam de peccátis meis ab eo mihi ímpetres,
atque me, in tua et eius dilectióne moriéntem,
in viam salvatiónis et salútis dírigas. Amen.

[S. Thomas Aq.: ed. Parm., t. 24, p. 243]

Virgo Dei Genetrix

Virgo Dei Génetrix, eia óbseca,
adsis nobis míseris, eia óbseca,
nos purgans a vítiis, eia óbseca,
ut nobis sit méritis Deus tuis placábilis,
eia óbseca.

Virgo, David fília, eia óbseca,
Dei plena grátia, eia óbseca,
nobis sis propítia, eia óbseca,
ut per hæc sollémnia ncva nobis sit grátia,
eia óbseca.

Virgo, gemma vírginum, eia óbseca,
reparátrix ómnium, eia óbseca,
spes in te credéntium, eia óbseca,
ut per tuum gáudium novum nobis sit remédium,
eia óbseca.

Virgo, plena gáudio, eia óbseca,
tua miserátio, eia óbseca,
sit nobis remíssio, eia óbseca,
ut tua deprecátio nova nobis sit redémptio,
eia óbseca.

[pro cantu: cf. Barge, p. 67]

II. ORATIONES AD SANCTOS ORDINIS NOSTRI

AD S.P.N. DOMINICUM

Oratio beati Iordani de Saxonia

(ASOP 18, 1927-28, pp. 564-568)

Oratio Iordani de Saxonia ad S. Dominicum eiusdem generis est ac orationes ad S. Benedictum a monachis compositæ sæculis XI et XII. Ex magna admiratione ac singulari devotione oritur quam *Libellus* ostendit in animo Iordani erga S. P. Dominicum. Cuius animi effigies, secundum dicendi genus quod in *Te Deum* testatur, in textu hic infra transcripto amabiliter expressa est. In novissimis lineis, Iordano ad precem suam fratres omnes consociante, oratio ex « ego » in « nos » evolvitur.

Sacérdos Dei sanctíssime,
conféssor alme et prædicátor egrégie,
beatíssime Pater Domínice,
vir elécte a Dómino,
et super omnes in diébus tuis Deo placens,
atque dilécte vita, doctrína et miráculis gloriósa,
quem apud Dóminum Deum nostrum
advocátum præcípuum
habére gaudémus:
ad te, quem inter sanctos et eléctos Dei
devotióne multa véneror,
de profúndis clamo in hac valle misériæ.

I

Adésto, quæso, piíssime,
adésto clementíssime,
peccatríci ánimæ meæ,
omni virtúte et grátia destitútæ,
multísque misériis
ac vitiórum et peccatórum vínculis involútæ.

Adesto miseræ et infelici,
o beata et benedicta anima viri Dei,
quam benedictione tanta ditavit gratia divina,
ut non solum te ad beatam requiem,
ad tranquillam sedem,
ad caelestem gloriam sublimaret,
sed et alios innumerabiles
ad eandem beatitudinem
tua laudabilis vita traheret,
dulcis admonitio incitaret,
suavis doctrina instrueret,
et fervens predicatio provocaret.

Adesto igitur, benedicte Domínice,
et inclina aurem pietatis tuæ
ad votum devotæ supplicationis meæ.

Ad te confugiens,
pauper et mendica anima mea
tibi se prosternit.

Quantum humili mente potest,
tibi sese conatur languida presentare,
tibi, quantum moribunda valet, nititur supplicare,
ut potentibus meritis et piis precibus tuis
eam digneris vivificare atque sanare
et benedictionis tuæ dono copiose replere.

Scio namque, scio bene,
et certus sum quia potes,
confido ex magna caritate tua, quia voles.

Spero utique ex nimia familiaritate tua
dilectissimi tui et electi ex millibus Iesu Christi
quia tibi non negabit,
sed apud eundem Dominum et amicum tuum
quidquid volueris obtinebis.
Quid dilecto suo negare poterit tam dilectus!

II

Tu in ætate adhuc florente
virginitatem tuam
specioso virginum Sponso dedicasti.

Tu candidátam fonte sancto
et ditátam Spíritu Sancto ánimam tuam
amatóri vírginum castíssimo sponsam dedísti.

Tu corpus tuum hóstiam vivéntem,
sanctam, Deo placéntem tribuísti.

Tu institutióne divína formátus
teípsum totum Deo tradidísti.

Tu iam pridem reguláribus armis instrúctus
ascensiónes in corde tuo disposuísti.

Tu de virtúte crescens in virtútem,
de bono semper ad mélius profecísti.

Tu viam dénique perfectiόνis aggréssus,
derelíctis ómnibus,
nudus nudum Christum sequéndo,
thesaurizáre magis in cæléstibus elegísti.

Tu veheméntius temetípsum ábnegans
atque viríliter crucem tuam báulans,
Redemptóris nostri et ducis veri
sequi vestígia studuísti.

Tu zelo Dei atque supérno igne succénsus
propter nímiam caritátem tuam,
et veheménti spíritus fervóre
et paupertátis voto perpétuæ
apostólicæ religióni et evangélicæ prædicatióni
temetípsum totáliter impendísti,
et ad hoc opus alto iam dudum providénte consílio
Fratrum Prædicatórum Ordinem instituísti.

Tu per orbem terrárum
gloriósis méritis et exémplis tuis
sanctam Ecclésiám illuminásti.

Tu derelícto carnis ergástulo
ad supérnam assúptus cúriam ascendísti.

Tu decorátus stola iam prima
advocátus noster ad Dóminum accessísti.

Tu ígitur, quæso,
mihi et ómnibus caris nostris súbveni,

et univérso clero, et pópulo,
atque devóto femíneo séxui,
qui salútem géneris humáni
tanto zelo desiderásti.

III

Tu post beátam Regínam vírginum
spes mea dulcis atque solátium,
tu singuláre mihi refúgium,
inténde propítius in meum auxílium.
Ad te unum, ad te confúgio,
ad te solum audácter vénio,
ad tuos pedes me prostérno.
Te patrónum supplex ínvoco,
te implóro et tibi devóte me recomméndo.
Tu suscípere et custodíre,
tu protégere et adiuváre me dignáre propítius,
ut intercedénte grátia tua
desiderátam Dei grátiam recuperáre,
misericórdiam eius inveníre,
et præséntis atque futúræ vitæ
remédia ad salútem mérear impetráre.
Sic, sic, magíster óptime, sic, quæso, fiat,
dux ínclite, pater alme, beáte Domínice.
Sic mihi, precor, adsis in ómnibus.
Et esto nobis verus Domínicus,
Dómini gregis custos assíduus.
Custódi semper nos et gubérna,
et tibi commíssos nos eménda,
et emendátos nos recomménda.
Cum gáudio post hoc exsílium nos repræsénta
benedícto Dómino et dilécto tuo
altíssimo Dei Fílio
Iesu Christo, Salvatóri nostro,
cui honor, laus et glória
cum gloriósa Vírgine María
et univérsa cívium supernórum cúria
in sempitérna sæculórum sæcula. Amen.

Preces in honorem S. Patris Dominici**I**

1 Glorióse sancte Pater Domínice, qui pæniténtiæ ac castitátis exémpLAR exstitísti, ínnoCENS corpus tuum maceratióNibus, ieiúniis et vigiliis castigáNdo, grátiam nobis óbtine pæniténtiæ virtútem toto mentis inténtu exercéNdi atque cordis integritátem in novitáte sensus nostri sancte custodiéNdi.

[Pater, Ave, Glória.]

2 Magne Pater sancte Domínice, qui divíni amóris flammis accénsus in oratióne atque íntima cum Deo unióne delicias tuas invenísti, ímpetra nobis fidelitátem in oratióNibus quotidie fundéNdis, fervéNtem erga Dóminum caritátem atque grátiam mélius in dies adimpléNdi eiúsdem divína præcépta.

[Pater, Ave, Glória.]

3 Glorióse sancte Pater Domínice, qui animárum salutis zelo replétus evangélicum verbum assidue prædicásti Fratrúmque Prædicatórum Ordinem ad veræ fidei defensióNem et peccatórum conversióNem procuráNdam condidísti, Deum pro nobis exóra, ut grátiam nobis impertiátur sincére diligéNdi fratres nostros eósque oratióNibus ac bonis opéribus adiuváNdi, ut sanctificatióNem æternámque salutem consequántur.

[Pater, Ave, Glória.]

¶. Ora pro nobis, beáte Pater Domínice.

℞. Ut digni efficiámur promissióNibus Christi.

Oratio

Concéde, quæsumus, omnípotens Deus, ut qui peccatórum nostrórum póndere prémimur, beáti Domínici confessóris tui, Patris nostri, patrocínio sublevémur. Per Christum Dóminum nostrum. Amen.

II

1 Dómine Iesu Christe, qui pretiosíssimo Sanguine tuo Ecclésiā tuā formāsti et Apostolorum prædicatione constituisti, propagāsti et per totum mundum extendisti, quique post illos etiā sanctum Patrem Dominicum misisti ad eam formosā denuo reddendam, illustrandam et defendendam meritōrum et doctrinæ ipsius splendore; exaudire propitius digneris vota, quæ vir ille apostolicus exhibere tibi non cessat, ut illa temporalibus non careat subsidiis et spiritalibus augeatur incrementis.

[Pater, Ave, Glória.]

2 Clementissime Redemptor, qui sanctum Dominicum mundo donāsti, ut tibi inserviret tamquam coadiutor in magno salutis animarum ministerio, quarum revera tam multas grātia tua suoque zelo lucratus est Ecclésiæ; mitte, quæso, Deus meus, novos semper operarios in vineam tuam, ut ad gloriā tuā laborent fructusque vitæ æternæ colligant.

[Pater, Ave, Glória.]

3 O bone Iesu, qui tibi complacuisti in sancto Dominico, quem quavis nocte ante altare tuum vidisti prostratum ad adorandum vivissima fide te in sanctissimæ Eucharistiæ Sacramento absconditum et ad gemitus, preces et pœnitentias ingeminandas pro Ecclēsia tua; prout semper ipsam tuam Sponsam per intercessionem sancti Domini.

[Pater, Ave, Glória.]

Versus et Oratio ut supra, 739.

III

Præter Divinum Officium, variæ celebrationes liturgicæ occasionem præstant memoriā faciendi S. P. Dominici. Sequentes orationes vel similes in usu haberi possunt: post antiphonam ad S. Dominicum quæ sequitur *Salve Regina*, in celebrationibus in honorem S. P. Dominici [anniversariis, speciali patrocinio, peregrinationibus], in vigiliis circa corpus defuncti fratris vel sororis.

1 Deus véniae et fidelitátis, beátum Domínicum ad imáginem Fílii tui « mitis et húmilis corde » effecísti. Præsta, quæsumus, ut exémplo et précibus eius, « humilitátem servémus et paupertátem voluntáriam gaudentes possideámus », in Christo Iesu Dómino nostro.

2 Dómine Iesu, B. Domínico tribuísti ut crucis tuæ mystérium die ac nocte contemplarétur et de ómnibus in libro caritátis docerétur. Fac ut nos, páriter in eádem luce vivéntes et te Salvatórem nostrum recoléntes, læti procedámus.

3 Dómine Deus noster, sancto Patri Domínico dedísti, ut assídua prece « veram impetráret caritátem, curándæ et procurándæ salúti hóminum efficácem », da nobis ut eádem caritátis sollicitúdine impleámur.

4 Dómine Deus Pater Dómini nostri Iesu Christi, qui nos elegísti et prædestinásti in Fílio tuo, ut essémus in laudem glóriæ tuæ in domo servi tui Domínici, pro collátis donis grátias ágimus tibi, et te deprecámur ut omnes vivos et defúntcos, in domo tua, sanctos et immaculátos, coram te, collocáre dignéris.

5 Pater imménsæ maiestátis, exáudi fílios tuos glóriam tuam celebrántes; creásti nos ad te et fecísti nos pópulum tuum in domo Domínici. Fac nos in splendóre vultus tui prógredi et in lucem tuam omnes fratres defúntcos áccipe.

6 Deus amoris et fidelitátis, Verbum tuum apud nos misísti ut sit pro nobis via. Præsta ut per viam eius, sémitas servi tui Domínici sectántes, in gáudio « procedámus et cogitémus de Salvatóre nostro ».

7 Dómine Deus noster, meménto Domínici, martýrium desiderántis desidério magno. Da fortitúdinem frátribus nostris, qui pro nómine tuo et amore Iesu Christi propter iustítiam persecutiónem patiúntur.

8 Deus amoris et fidelitátis, Domínicum et Ordinem eius beátæ Mariæ Vírginis patrocínio committere voluísti. Præsta quæsumus, ut sicut in præsénti vita dulcédo et spes nostra ipsa éxstitit, ita Fílium tuum, último die, misericórditer osténdat.

AD QUOSDAM SANCTOS O.P.

Ad S. Thomam Aquinatem ante studium

Doctor angélice sancte Thoma, theologórum princeps et philosophórum norma, præclárum christiáni orbis decus et Ecclésiæ lumen, scholárum ómnium catholicárum cæléstis patrónē: qui sapiéntiam sine fictione didicísti et sine invidia comunicas, ipsam Sapiéntiam Fílium Dei deprecáre pro nobis, ut, veniēte in nos Spíritu sapiéntiæ, ea quæ docuísti intelléctu conspiciámus, et quæ egísti imitatione compleámus; doctrínæ et virtútis, quibus in terris solis instar semper eluxísti, partícipes efficiámur; ac tandem eárum suavíssimis frúctibus perénniter tecum delectémur in cælis, divínam sapiéntiam collaudántes per infiníta sæcula sæculórum. Amen.

Ad S. Catharinam Senensem

Ant. O Virgo, máxima glória præstans, cuius sacra stata orbis univérsum célebrat, quam Angeli cum láudibus éfferunt, ac céteri supérni cives admirántur: age apud Deum, quo mentes nostræ semper divínis præcéptis obtémperent, nosque virtútibus aliisque bonis áugeat.

℣. Ora pro nobis, beáta Catharína.

℟. Ut digni efficiámur promissionibus Christi.

Oratio

Deus, qui beatæ Catharínæ, virginitátis et patiéntiæ speciáli privilégio decorátæ, malignántium spirítuum certámina vincere, et in amóre tui nóminis inconcússe permanére tribuísti, concéde quæsumus ut eius imitatione, calcáta mundi nequítia, et ómnium hóstium superátis insídiis, ad tuam secúre glóriam transeámus. Per Christum Dóminum nostrum. Amen.

III. ORATIONES VARIÆ ET SANCTIS NOSTRIS TRIBUTÆ

ORATIONES SUPER EVANGELIUM

Oratio prædicatoris

[Cf. Lc 5, 1-10; Mt 4, 18-22]

Dómine Iesu Christe, fac me per aviditátem irrúere ad audiéndum verbum Dei, irruéntes non expéllere, stare secus stagnum non in stagno inánis glóriæ, navículam obœdiéntiæ ascéndere, per humilitátem descéndere, rétia prædicatiónis desidérii et bonæ operatiónis ab omni avarítia, vana glória, et adulatióne laváre, per concórdiam sententiárum refícere, per manifestatiónem exsiccáre, per cautélam non per desidíam plicáre, per scissiónem non rúmpere, navem religiónis a terrénis redúcere, in ea quiescéndó sedére.

[Fac me] álios per exéplum docére, contemplatió-nem et actiόnem alternáre, in profúndum contempla-tiόnis prædicatiόnis religiόnis dúcere, in verbo tuæ in-spiratiόnis, non in nocte culpæ vel ignorántiæ rétia in captúram vivórum óperum laxáre, in aquis tribulatiό-num copiόsam multítudinem internárum visitatiόnum et consolatiόnum conclúdere: ita ut ánima per admi-ratiόnem extendátur et subsidiá proximórum et infe-riórum requírat.

Ambas naves paciéntiæ et obœdiéntiæ adímpleant, per humilitátem ad gēnua Iesu prócidant, ut ex hoc subdúctis ad terram vivéntium návibus, præmia cá-piant æténa. Amen.

[S. Albertus Magnus: ed Borgnet, t. 13, p. 379]

In undecima hora vitæ prædicatoris

[Cf. Mt 20, 1-16]

Dómine Iesu Christe, summe paterfamilias qui me primo mane in víneam tuam vocásti, dum me a iuven-túte mea ad laborándum in religiόne pro denário vitæ

ætérnæ conduxísti, cum sero factum fúerit, in iudício, et reddes operáriis mercédem, quid dabis mihi, qui non solum in foro sæculi, sed in ipsa vínea religiónis tota die vitæ meæ otíósus steti? Dómine qui non pón-deras ópera nostra ad pondus públicum, sed ad pondus sanctuárii, fac me saltem in undécima hora resipíscere, et quia tu bonus es, óculus meus omníno nequam non inveniátur. Amen.

[S. Albertus Magnus: ed. Borgnet, t. 13, p. 353]

Doce nos intellegere

[Cf. Mt 22, 15-22; Mc 12, 13-17; Lc 20, 20-26]

Dómine Iesu Christe, doce nos astútias seductórum ex verbiseórum intellégere, detégere, et cavére ab eis qui nos ex verbis nostris cápere volunt, dirécte non respondére, sed ex eórum verbis responsiónem eos capiéntem elícere, verbis quæ a multis dicúntur: ut propter hoc gloriósi videántur; vel ut eis placeámus non assentíre, sed in ómnibus ratióem sequi, occasióne falsæ pietátis vel amplificándi cultum divínium nihil in præiudícium alteríus dícere nisi quod iustum crédimus.

Da nobis naturáli et gratuíta superscriptióne insigníri, título tuæ triumphális Passiόνis, tuæ mortis memoriáli, et tuæ domus præconiáli: ut práctici et theórici intelléctus vitæ corporális et spirituális vices prudénter alternándo, reddámus quæ sunt Cæsaris, Cæsari, et quæ sunt Dei, Deo. Amen.

[S. Albertus Magnus: ed. Borgnet, t. 13, p. 400]

ORATIONES PRO VARIIS NECESSITATIBUS

Ad veniam pro peccatis impetrandam

Ad te fontem misericórdiæ, Deus,
accédo peccátor.

Ergo dignéris me laváre immúndum.

O sol iustítiæ, illúmina cæcum;
o ætérne médice, cura vulnerátum;
o Rex regum, índue spoliátum.

O mediátor Dei et hóminum, reconcília reum;
o pastor bone, reduc errántem.

Da, Deus, misericórdiam mísero,
indulgéntiam criminóso,
vitam mórtuo, iustificatióem ímpio,
unctiόem grátiae induráto.

O clementíssime, révoça fugiéntem,
trahe reniténtem, érige cadéntem,
tene stantem, conduc ambulántem.

Ne obliviscáris te obliviscéntem,
ne déseras te deseréntem,
ne despicias peccántem.

Ego enim peccádo
te, Deum meum, offéndi,
próximum læsi, mihi non pepérci.

Peccávi, Deus meus:
fragilitáte, contra te Patrem omnipoténtem,
ignorántia, contra te Fílium sapiéntem,
malítia, contra te Spíritum Sanctum;
et his offéndi te,
Trinitátem excelléntem.

Heu mihi mísero!

Quot et quanta commísi, quália perpetrávi!
Derelíqui te, Dómine!

De bonitáte tua cónqueror,
amóre malo accedénte, timóre malo humiliánte;

quibus pótius te amíttre quam amátis carére,
pótius te offéndere,
quam timénda non incúrrere vólui.

O Deus meus,
quantum nócuí verbo et ópere,
peccádo laténter, paténter et contumáciter.

Quare pro mea fragilitáte súpplíco,
ut non atténdaš meam iniquitátem
sed tuam imménsam bonitátem;
et remíttas cleménter quæ feci,
donans dolórem pro prætéritis,
et cautélam effícacem de futúris. Amen.

[S. Thomas Aq.: ed. Parm., t. 24, p. 241]

Ad vitam sapienter instituendam

Concéde mihi, miséricors Deus,
quæ tibi sunt plácita ardénter concupíscere,
prudénter investigáre,
veráciter agnóscere et perfécte adimplére
ad laudem et glóriam nóminis tui.

Ordina, Deus meus, statum meum:
et quod a me requíris ut fáciam tríbue ut sciam,
et da éxsequi sicut opórtet
et éxpedit ánimæ meæ.

I

Da mihi, Dómine Deus meus,
inter próspera et advérſa non defícere,
ut in illis non extóllar
et in istis non déprimar.

De nullo gáudeam vel dóleam
nisi quod ducat ad te
vel abdúcat a te.

Nulli placére áppetam
vel displicére tímeam nisi tibi.

Viléſcant mihi, Dómine, ómnia transitória
et cara mihi sint ómnia tua.

Tædeat me gáudii, quod est sine te,
nec áliud cúpiam, quod est extra te.
Deléctet me, Dómine, labor qui est pro te,
et tædiósa sit mihi omnis quies,
quæ est sine te.
Frequénter da mihi, Dómine, cor ad te dirígere,
et in defectiône mea
cum emendatiónis propósito constánte dolére.

II

Fac me, Dómine Deus meus,
obediéntem sine contradicióne,
páuperem sine deiectione,
castum sine corruptiône,
patiéntem sine murmuratióne;
húmilem sine fictiône,
híla rem sine dissolutiône,
tristem sine deiectione
matúrum sine gravitáte;
ágilem sine levitáte,
timéntem te sine desperatióne;
verácem sine duplicitáte,
operántem bona sine præsumptiône;
próximam corripere sine elatióne
ípsam ædificáre, verbo et exémplo,
sine simulatióne.

Da mihi, Dómine Deus, cor pèrvigil,
quod nulla abdúcat a te curiósam cogitatio
da nóbile, quod nulla deórsum trahat
indígna afféctio;
da rectum, quod nulla seórsum oblíquet
sinístra inténtio;
da firmum, quod nulla frangat
tribulátio;
da líberum, quod nulla sibi víndicet
violénta afféctio.

III

Largíre mihi, Dómine Deus meus,
intelléctum te cognoscéntem,
diligéntiam te quæréntem,
sapiéntiam te inveniéntem;
conversatiónem tibi placéntem,
perseverántiam fidénter te exspectántem
et fidúciam te fináliter amplecténtem.
Da tuis pœnis hic afflígi per pœniténtiam,
tuis benefíciis in via uti per grátiam,
tuis gaudiis in pátria pérfrui per glóriam.
Qui vivis et regnas, Deus,
per ómnia sǽcula sǽculórum. Amen.

[S. Thomas Aq.: ed. Parm., t. 24, p. 242]

Ante lectionem, scriptionem vel prædicationem

Creátor ineffábilis,
qui, de thesáuris sapiéntiæ tuæ,
tres Angelórum hierarchías designásti,
et eas super cælum empýreum
miro órđine collocásti,
atque univérſi partes
elegantíssime disposuísti:

Tu, inquam, qui verus fons lúminis
et sapiéntiæ díceris
atque superéminens princípium,
infúndere dignéris
super intelléctus mei ténebras
tuæ rádium claritátis,
dúplices, in quibus natus sum,
a me rémovens ténebras:
peccátum scílicet et ignorántiam.

Tu, qui linguas infántium facis disertas,
linguam meam erúdias,
atque in lábiis meis
grátiam tuæ benedictiónis infúndas.

Da mihi intellegéndi acúmen,
retinéndi capacitátem,
addiscéndi modum et facilitátem,
interpretándi subtilitátem,
loquéndi grátiam copiósam.

Ingréssum ínstruas,
progréssum dírigas,
egréssum cómpleas:

Tu, qui es verus Deus et homo,
qui vivis et regnas
in sæcula sæculórum. Amen.

[S. Thomas Aq.: ed. Parm., t. 24, p. 243]

Pro obtinendis virtutibus

O Deus omnípotens, ómnia sciens,
princípio et fine carens,
quí es virtútum donátor et conservátor:
dignéris me stabilíre sólido fídei fundaménto,
et tuéri inexpugnábili spei clýpeo,
atque decoráre nuptiáli caritátis vestiménto.

Da mihi per iustítiam tibi subésse,
per prudéntiam insídias diáboli cavére,
per temperántiam médium tenére,
per fortitúdinem advérsa patiénter toleráre.

Da bonum, quod non hábeo,
ab habéntibus humíliter quærere;
malum culpæ, quod feci,
veráciter accusáre;
malum pænæ, quod sustíneo,
æquanímiter ferre;
bono próximi non invidére,
de bonis tuis semper grátias ágere. [...]

Planta in me, Dómine, virtútes,
ut circa divína sim devótus,
circa humána offícia próvidus,
circa usum próprii córporis nulli onerósus.

Da mihi, Dómine, fervéntem contritiónem,
puram confessiónem,
perféctam satisfactiónem.

Ordináre me dignéris intérius per bonam vitam,
ut fáciam quod déceat,
et quod mihi profíciat ad méritum
et réliquis próximis ad exémplum.

Da mihi ut numquam
ea quæ fiunt insipiénter áppetam,
et quæ fiunt accidióse fastídiam,
ne contíngat inchoánda ante tempus appétere,
aut inchoáta
ante consummatiónem desérere. Amen.

[S. Thomas Aq.: ed. Parm., t. 24, p. 241]

Pro impetranda contemplatione

Te Deum totíus consolatiónis ínvoco,
qui nihil in nobis
præter tua dona cernis,
ut mihi, post huius vitæ términum,
donáre dignéris
cognitiónem primæ veritátis,
fruitiόnem divínæ maiestátis.

Da étiam córpori meo, largíssime remunerátor,
claritátis pulchritúdinem,
agilitátis promptitúdinem,
subtilitátis aptitúdinem,
impassibilitátis fortitúdinem.
Appónas istis affluéntiam divitiárum,
influéntiam deliciárum,
confluéntiam bonórum,

ut gaudere possim:

supra me de tua consolatióne,
infra de loci amœnitáte,
intra de córporis et ánimæ glorificatióne,
iuxta de Angelórum et hóminum
delectábili associatióne.

Consequátur apud te, clementíssime Pater, in eo
rationális sapiéntiæ illustratióem,
concupiscibilis desiderabílium adoptiόem,
irascibilis triúmphi laudem:

ubi est, apud te, evásio periculórum,
distíctio mansiόnum, concórdia voluntátum;
ubi est amœnitas vernális, lucíditas æstivális,
ubértas autumnális et réquies hiemális.

Da, Dómine Deus, vitam sine morte,
gáudium sine dolóre:

ubi est summa libértas, líbera secúritas,
secúra tranquíllitas, iucúnda felícitas,
felix ætérnitas, ætéрна beatitúdo,
veritátis vísis atque laudátio,
Deus! Amen.

[S. Thomas Aq.: ed. Parm., t. 24, pp. 241-242]

Pro gratiarum actione

Laudo, glórífico, benedíco te, Deus meus,
propter imménsa indígnis mihi
præstita benefícia.

Laudo cleméntiam tuam me diu expectántem,
duldédinem tuam ulcisci simulántem;
pietátem tuam vocántem, benignitátem suscipiéntem,
misericórdiam peccáta remitténtem;
bonitátem supra mérita impendéntem,
patiéntiam iniúriæ non recordántem;
humilitátem consolántem, patiéntiam protegéntem,
æternitátem conservántem,
veritátem remunerántem.

Quid dicam, Deus meus,
de tua ineffábili largitáte?
Tu enim vocas fugiéntem, súscipis reverténtem,
ádiuvas titubántem, lætíficas desperántem;
stímulas neglegéntem, armas pugnántem,
corónas triumphántem.
Peccatórem post pæniténtiam non spernis,
et iniúriæ non memíneris.

A multis líberas perículis,
ad pæniténtiam cor emóllis.
Terres supplicíis, álicis promíssis,
castígas flagéllis.

Angélico ministério custódis,
minístras temporália, resérvas nobis æténa.
Hortáris dignitáte creatiónis,
invítas cleméntia redemptiónis,
promíttis præmia remuneratiónis.

Pro quibus ómnibus
laudes reférre non suffício.
Maiestáti tuæ grátias ago
propter imménsæ bonitátis tuæ abundántiam,
ut semper in me grátiam múltiples,
et multiplicátam consérves,
et conservátam remúneres. Amen.

[S. Thomas Aq.: ed. Parm., t. 24, p. 242]

Pro impetranda fidelitate

Omnípotens sempitérne Deus, qui renuntiántibus
sæculo mansiónes paras in cælo, imménsam clemén-
tiam tuam humíliter implorámus, ut intercedénte
beáta Vírgine Filii tui Genetríce, et beáto Domínico
confessóre tuo, Prædicatórum Ordinis patrónis, vota
quæ profiténdo fécimus, fidéliter implére, et ad ea,
quæ perseverántibus in te dignátus es promíttre,
valeámus salúbriter perveníre. Per Christum Dómi-
num nostrum. Amen.

ADHORTATIO ET ORATIO
DE SEPTIFORMI AFFECTU
AD IESUM CRUCIFIXUM

Oportet quod convertas te totum et reclines super brachia Iesu Christi pauperrimi et vilissimi et improperati, despecti et mortui propter te; usquequo tu sis mortuus in omnibus sensualitatibus tuis humanis et Iesus Christus crucifixus vivat in corde tuo et in tua anima; et totus transformatus et transfiguratus cordialiter sit in te, ut numquam videas nec audias nisi ipsum solum stantem in cruce propter te, ad exemplum Virginis Mariæ; et sis mortuus in mundo et vivas in fide exercens te in sanctis orationibus ad obtinenda dona virtutum et gratiam Dei.

Sed debes præcipue septiformi affectu exerceri ad Dominum, scilicet: amore ardentissimo; timore summo; honore debito; zelo constantissimo; et illis debet adiungi gratiarum actio et vox laudis; omnimodæ obœdientiæ promptitudo; et suavitatis divinæ pro posse degustatio.

Et ideo continue debes ista septem devote petere a Deo, utpote dicendo:

Bone Iesu,
fac ut totis medúllis amem te,
summe tíneam, revérear
et pro omni honóre tuo
fortíssime zelósus sim,
ita quod omne tuum oppróbrium,
tamquam tuæ glóriæ zelótypus
vehementíssime exhorréscam,
et potíssime,
si in me, aut a me, vel pro me,
facta tibi sint oppróbria ulla,
Deus meus!

Da étiam ut te Dóminum
tamquam tua creatúra
humíliter adórem et recognóscam,

et de ómnibus beneficiis a te mihi impénsis
grátias semper agam;
et hoc cum summa gratitúdine cordis.

Da étiam ut in ómnibus
semper te benedícam,
laudem et magníficem:
et hoc cum summo iúbilo
et tripúdio cordis.

Et tibi in ómnibus obtémperans et obœdiens,
semper refíciar
dulcíssima tua ut ineffábili suavitate,
cum sanctis tuis ángelis et apóstolis
tuæ mensæ assístens,
licet omníno indígnus et ingrátus.

Qui cum Patre et Spíritu Sancto
vivis et regnas, Deus,
benedíctus in sácula. Amen.

[S. Vincentius Ferrer, Tract. De Vita spirituali:
ed. Garganta - Forcada, Madrid 1956, p. 533]

Salutatio S. Thomæ ad Crucem

Crux mihi certa salus.
Crux est quam semper adóro.
Crux Dómini mecum.
Crux mihi refúgium.

BENEDICTIO INFIRMORUM IN NONNULLIS PROVINCIIS O.P. ADHIBITA

1. Sacerdos, benigne excipiens infirmos, prius verbis fidei et humanitatis sensibus corda eorum apostolica sublevet caritate eosque de valore impetrativo huius invocationis edoceat, animum eorum ad fiduciam in Deum excitet atque ad divinam eius voluntatem amplectendam disponat.

Si morbus periculosus sit, quamquam non proxime, sacerdos ad Unctionem infirmorum suscipiendam hortetur.

Post autem verba salutationis et exhortationis, manibus extensis vel, ubi est consuetudo, manus imponens super caput infirmi, sacerdos sequentem dicat orationem beato Vincentio Ferrer tributam, qua sanctus Ludovicus Bertrán utebatur:

« Super ægros manus impónent
et bene habébunt ».

Jesus Mariæ Fílius, mundi salus et Dóminus,
qui te traxit ad fidem cathólicam,
te in ea consérvet, et beátum (beátam) fáciat,
et méritis beátæ Vírginis Mariæ,
et beáti Domínici Patris nostri,
et beáti Vincéntii, et ómnium sanctórum,
te ab hac infirmitáte liberáre dignétur.

2. Deinde sacerdos addit:

Adapériat Dóminus corda nostra illáque recte
dispónat per audítum Verbi eius.

Tunc ab uno ex astantibus vel ab ipso sacerdote
legitur textus Evangelii secundum Ioannem (Io 1, 1-14)
vel secundum Marcum (Mc 16, 15-20). Vel alius legatur
textus aptus, v.g. ex iis qui in Ordine Unctionis infirmorum nn. 153 sqq. proponuntur, præsertim: Is 61, 1-3a; Rom 8, 14-17; Mt 5, 1-12a; Mt 11, 25-30; Lc 12, 35-44a.

Huiusce lectionis, pro opportunitate, brevis explicatio fieri potest.

℣. Dóminus vobíscum.

℞. Et cum spírítu tuo.

✠ Inítium sancti Evangélíi secúndum Ioánnem.

℞. Glória tibi. Dómine.

3. Deinde sacerdos his vel similibus verbis orationem dominicam introducit:

Deum Patrem omnipoténtem
nunc fidéliter invocémus
qui ab humánis corpóribus
omnem languórem et omnem infirmitátem
præcépti sui potestáte depéllit,
eíusque bonitátem exaltémus verbis ipsíus Christi:

et omnes simul pergunt:

Pater noster, etc.

4. Ritus benedictione sacerdotis concluditur:

Dóminus Iesus Christus apud te (vos) sit,
ut te deféndat;
intra te sit, ut te consérvet.
Ante te sit, ut te dedúcat;
post te sit, ut te custódiat.
Super te sit, ut te benedícat:
Qui cum Patre et Spírítu Sancto in unitáte perfécta
vivit et regnat per ómnia sǎcula sǎculórum.

℞. Amen.

Et benedíctio Dei omnipoténtis,
Patris, et Fílii, ✠ et Spírítus Sancti,
descéndat super te (vos), et máneat semper.

℞. Amen.

Vel aliæ formulæ benedictionis.

Deinde aspergit infirmum vel infirmos aqua benedicta, et sic illos dimittit in pace.

IV. ORATIONES PRO PECULIARIBUS ADIUNCTIS

PRO CAPITULO GENERALI VEL PROVINCIALI ET EUNTIBUS AD ILLUD

1. Per hebdomadas quæ Capitulum generale præcedunt necnon perdurante Capitulo, iuxta indicationes peculiare, Fratres, Moniales et Sorores Dominum pro felici exitu huius conventus deprecantur.

Quædam infra inveniuntur, quæ adaptationibus opportunis etiam pro Capitulis provincialibus vel conventualibus, pro Cœtibus generalibus Fœderationum Monialium vel Capitulis Congregationum adhiberi possunt.

2. Communitates elementa hic proposita seligere possunt, æquilibrium curantes inter celebrationes peculiare et commemorationes cum liturgia vel cum exercitiis communitariis coniunctas, ut tamen oratio pro Capitulo cotidie renovetur.

3. Inter has diversas possibilitates, hæc notentur:

- in Missa conventuali: Missæ pro variis necessitatibus (MR, pp. 785-854); Missæ votivæ (MR, pp. 857-877); orationes fidelium; formulæ propriæ in Prece Eucharistica;
- in Officio Divino ut infra p. 757;
- in celebratione autonoma, in coniunctione cum Liturgia Horarum vel etiam nonnumquam cum Missa;
- in adaptatione recitationis communis S. Rosarii vel alius pii exercitii.

Perdurante vel exeunte Capitulo, Communitates invitantur ut gratiarum celebrent actionem.

A) Specimina precum ad Laudes vel Vesperas addenda

In fine precum ad Laudes et ante commemorationem defunctorum ad Vesperas hæ intentiones adiungi possunt.

DOMINICA

AD LAUDES

Ut abundáre fáciat Dóminus caritatē nostram in ínvicem et in omnes, ad confirmánda corda nostra in sanctitatē, Dóminum deprecémur:

— Te rogámus, audi nos!

AD VESPERAS

Ut nos omnes, qui apostólicam vivéndi formam sumus proféssi, in spíritu sancti Domínici et regulári observántia, sua grátia confírmet, Dóminum deprecémur:

— Te rogámus, audi nos!

FERIA II

AD LAUDES

Ut fratres nostros capituláres dignétur Deus cleménter assístere et in illis implére opus fidei in virtúte omnémque voluntátem bonitátis et audáciæ, Dóminum deprecémur:

— Te rogámus, audi nos!

AD VESPERAS

Ut normæ et indicatiónes circa fratres ita a Capituláribus decernántur ut Christum imitántes vitam suam religiósam compónere addíscant cum apostólici múnere exigéntiis, Dóminum deprecémur:

— Te rogámus, audi nos!

FERIA III

AD LAUDES

Ut idípsum sápere et implére discámus in Christo Iesu, et non sint in nobis schísmata, simus autem perfécti in unitáte, Dóminum deprecémur:

— Te rogámus, audi nos!

AD VESPERAS

Ut nemo se seducat, sed si quis videtur inter nos sapiens esse in hoc saeculo, stultus fiat in Christo, ut sit sapiens, Dominum deprecemur:

— Te rogamus, audi nos!

FERIA IV

AD LAUDES

Ut nos, corpus Christi et membra de membro, aemulemur charismata meliora, malitia parvuli efficiamur et viriliter agamus in caritate, Dominum deprecemur:

— Te rogamus, audi nos!

AD VESPERAS

Ut propitius Dominus adsit fratribus nostris ad Capitulum pergentibus et viam ipsorum in salutis suae prosperitate disponat eiusque semper protegat auxilio, Dominum deprecemur:

— Te rogamus, audi nos!

FERIA V

AD LAUDES

Ut det omnibus fratribus, illis praesertim, qui Capitulo adsunt, fideles atque vigilantes se exhibere ad Ecclesiae exigentias nostrique temporis necessitates, Dominum deprecemur:

— Te rogamus, audi nos!

AD VESPERAS

Ut multifor mi gratia corda nostra adaperiat qua fraternum cum omnibus dialogum intendere valeamus eiusque vocem in eorum vocibus agnoscamus, Dominum deprecemur:

— Te rogamus, audi nos!

FERIA VI

AD LAUDES

Ut fratrum nostrorum qui, persecutióne deténti, Capítulo interésse prohibéntur, tristítia vertátur in gáudium quod nemo tollet ab eis, Dóminum deprecémur:

— Te rogámus, audi nos!

AD VESPERAS

Ut congregátio nostra capituláris, a Spíritu Sancto illumináta, Christi semper vivéntis testimónium cum fidúcia magna perhíbeat, Dóminum deprecémur:

— Te rogámus, audi nos!

SABBATO

AD LAUDES

Ut nos qui Mariám Regínam Apostolorum Matrem misericórdiæ venerámur, múnere nobis commísso ad Ecclesiæ cunctorúmque fratrum servítium prudénter ac válide fungámur, Dóminum deprecémur:

— Te rogámus, audi nos!

AD VESPERAS

Ut nos qui vocatióem prædicatióis sub Régula sancti Augustíni asserváre nítimur, eius spíritum, viam et ratióem habeámus in Capítulo perficiéndo, Dóminum deprecémur:

— Te rogámus, audi nos!

B) Ad Horas minores

Ad Horas minores vel Horam mediam, post Amen in fine orationis diei, adiungi potest clausula sequens:

Per intercessionem beatissimæ Virgini Mariæ, Ordinis patrónæ, misereatur nostri et salutem nobis concedat Christus Dóminus, qui bonus est et hóminum amátor.

℣. Benedicámus Dóminum.

℟. Deo grátias.

C) Schemata autonoma

Schemata hic proposita autonome adhiberi possunt vel cum exercitio aliquo Communitatis coniuncta. Per invocationem brevem ad Spiritum Sanctum incipitur: Veni, Sancte Spíritus; sequitur una vel alia strophá hymni Veni, Creátor Spíritus (LH II, 795), Sancti Spíritus adsit nobis grátia (730), sequentiæ Veni, Sancte Spíritus, et emitte vel alicuius hymni probati; postea antiphona, psalmus, versus et oratio dicuntur.

SERIES I

Ante Capitulum

1

Invocatio ad Spiritum Sanctum

Veni, Sancte Spíritus,
reple tuórum corda fidélium
et tui amóris in eis ignem accénde,
quí, per diversitátem linguárum multárum,
gentes in unitáte fidei congregásti.

PSALMODIA

Ant. Audíte et intellégite traditiones quas Dóminus dedit vobis. [AG 438]

Ps 121: Lætatus sum.

℣. Eúntes dícite.

℟. Appropinquávit in vos Regnum Dei.

Oratio

Adésto, Dómine, supplicatióibus nostris, et viam famulórum tuórum in salutis tuæ prosperitáte di-

spóne, ut inter omnes viæ et vitæ huius varietates, tuo semper protegántur auxílio. Per Christum.

2

Invocatio ad Spiritum Sanctum

PSALMODIA

Ant. Adapériat Dóminus cor vestrum in lege sua et in præcéptis suis, et fáciat pacem. [AG 579]

Ps 120: Levavi oculos meos in montes.

℣. Viam tuam, Dómine, demónstra mihi.

℞. Et sémitas tuas édoce me.

Oratio

Tua nos, quæsumus, Dómine, grátia semper et prævéniat et sequátur, ac bonis opéribus iúgiter præstet esse inténtos. Per Christum.

3

Invocatio ad Spiritum Sanctum

PSALMODIA

Ant. Da mercédem, Dómine, sustinéntibus te, ut prophétæ tui fidéles inveniántur. [AG 315]

Ps 125: In convertendo Dominus.

℣. In mundo pressúram habébitis.

℞. Sed confidite: ego vici mundum.

Oratio

Omnípotens et miséricors Deus, univérsa nobis adversántia propitiátus exclúde, ut mente et córpore páriter expediti, quæ tua sunt líberis méntibus exsequámur. Per Christum.

¶ Adhiberi etiam potest Ps 122 Ad te levávi, **ant.** Veni Sancte Spíritus, Kýrie, Pater noster, ℣. Emítte Spíritum tuum, ℣. Salvos fac, Orémus, Deus qui corda, Adesto Dómine supplicatióibus nostris, **sub uno** Per Christum (BB I 47*).

SERIES II

Perdurante Capitulo

1

Invocatio ad Spiritum Sanctum

PSALMODIA

Ant. Ubi duo vel tres congregáti fúerint in nómine meo, in médio eórum sum, dicit Dóminus.

[AG 438]

Ps 132: Ecce quam bonum.

ꝿ. Ecce ego vobíscum sum ómnibus diébus.

℟. Usque ad consummationem sáeculi.

Oratio

Deus, qui Apóstolis tuis Sanctum dedísti Spíritum, concéde plebi tuæ piæ petitionis efféctum, ut, quibus dedísti fidem, largiáris et pacem. Per Christum.

2

Invocatio ad Spiritum Sanctum

PSALMODIA

Ant. Non vos me elegístis, sed ego elégi vos et pósui vos, ut eátis et fructum afferátis, et fructus vester máneat, dicit Dóminus.

Ps 124: Qui confidunt in Domino.

ꝿ. Pétite et accipiétis.

℟. Pulsáte et aperiétur vobis.

Oratio

Famíliam tuam, quæsumus, Dómine, contína pietáte custódi, ut, quæ in sola spe grátiae cæléstis innítitur, tua semper protectióne muniátur. Per Christum.

3

Invocatio ad Spiritum Sanctum

PSALMODIA

Ant. Pie Pater Domínice, tuórum memor óperum, sta coram summo iúdice pro tuo cœtu páuperum. [AG 885]

Ps 133: Ecce benedicite Dominum.

ŷ. Beáti immaculáti in via.

R. Qui toto corde exquírunť Dóminum.

Oratio

Deus, cuius providéntia in sui dispositióne non fállitur, te súpplīces exorámus, ut nóxia cuncta submóveas, et ómnia nobis profutúra concédas. Per Christum.

PRECES PRO FAMILIA DOMINICANA ET PRO BENEFACTORIBUS

Fratres sororesque preces et merita laboris apostolici cum universa Familia Dominicana, una cum parentibus, familiaribus et benefactoribus communicent, « qui de bonis sive spiritualibus sive terrenis cum eis partem faciunt ut expeditiores inveniantur in opere Evangelii » (LCO, n. 15 § II; cf. LCM, n. 13 § II).

Præter suffragia quotidiana pro defunctis (cf. LCO, n. 72; LCM, n. 18) orationes pro benefactoribus multiplici forma confici apteque pro tempore iterari poterunt (cf. LCM, n. 76).

Schemata autem quæ sequuntur ad orationes pro benefactoribus præbentur ut elementa ad nutum Capituli conventualis seligenda.

A) Preces in Liturgia Horarum

AD LAUDES MATUTINAS

Deo Patri nostro, qui nos multis cum fratribus vocávit ad Christum sequéndum et ad Evangélium serviéndum, grátias agámus et læti clamémus:

Glória tibi, Dómine, in sæcula.

Pater clementíssime, de tuo nos te laudámus amóre,
— quia nos mirábiliter condidísti et mirábilis re-
formásti.

Tu, Dómine, ab orígine Ecclésiæ Mariám fidei te-
stem effecísti et Patri nostro Domínico ministé-
rium prædicatiónis commisísti,

— éffice ut Ecclésia ómnibus homínibus salutis fiat
sacraméntum et Papa noster **N.** cunctíque Pa-
stóres nostri in múnere suo conficiéndo auxiliúm
recípere mereántur.

Tu, miséricors Deus, vis ut paréntes fratres familia-
résque nostri benignitátem tuam erga nos ma-
niféstent,

— éffice ut voluntáti tuæ simus semper inténti et
cogitatiónes actionésque nostræ te semper glo-
ríficent.

Ad Verbum tuum nuntiándum vocáti, ipsum a Spíritu
Sancto fidénter expóscimus

— et grátias ágimus pro ómnibus benefactoribus
quí nobis in hoc servítio missionário auxiliántur.

(**Vel:** Moniáles, a Deo vocátæ ut exémplo Mariæ sé-
deant secus pedes Iesu et verba illíus áudiant,

— fratres benefactóres familiarésque ádiuvent ut et
ipsi in solitúdine intróeant ubi tu, Deus, ad cor
lóqueris et ad opus salutis consócias.)

Fratrum omniúmque necessitatibus corda résera
nostra,

— ne fratérna nostra dilectiône privéntur.

[Sanctæ Dei Genetrícis sempérque Vírginis Mariæ
et Sanctórum ómnium memóriam recólimus, ut, ip-
sis pro nobis orántibus, véniam a Dómino mereámur
accípere:]

Pater noster, **etc.**

Oratio ut in Liturgia Horarum.

AD VESPERAS

Deum, Patrem misericordiárum, qui in fámuló suo
Domínico nos coadunávit vocatióne sancta, eníxe
rogémus pro frátribus et benefactóribus nostris:

Deus, refúgium nostrum, exáudi nos.

Tu, Dómine, fámulum tuum Domínicum experíri
voluísti dulcedínem societátis tecum et cum frá-
tribus in vita apostólica,

— propósitum in nobis confírma, ut caritas in nobis
regnans communionem et unitátem ómnium in
Christo credéntium appróperet.

Qui dixísti: « Quærite primum regnum Dei et iustí-
tiam eius, et réliqua ómnia adiciéntur vobis »,

— éffice ut ministério et oratióne nostra omnes hó-
mines corroboréntur, ut lumen veritátis quærere
et ad vitam novam in Christo renásci váleant.

Qui ómnia membra Famíliæ Dominicánæ ad Evan-
gélíum vocas testificándum et ad ædificatióem
pópuli tui consócias,

— eos omnes in caritaté tua sancta custódi, et in
lúmine veritátis tuæ dírige.

Qui dixísti: « Veníte ad me, omnes qui laborátis et
oneráti estis, et ego reficiam vos »,

— confórta corda eórum qui nunc oratióni nostræ
commúnicant omniúmque qui nos rogavérunt ut
pro ipsis intercedámus.

Tu, Dómine, plenus es misericórdia in eos qui te
fidénter ínvocant:

— tuam indulgéntiam suppliciter implorámus pro
frátribus, soróribus, paréntibus, amícis ac bene-
factóribus defúntis.

[Sanctæ et immaculatæ Dóminæ nostræ, gloriósæ
Dei Genetrícis sempérque Vírginis Maríæ, sancti
Domínici et ómnium Sanctórum Ordinis nostri
memóriam faciéntes atque auxílium postulánte,

nosmetipsos et invicem totamque vitam nostram Deo commendamus:]

Pater noster, etc.

Oratio ut in Liturgia Horarum.

PRO COMMEMORATIONE

Post orationem conclusivam alicuius Horæ antiphona peculiaris cum oratione appropriata addi potest, iuxta formam « commemorationis » (cf. IGLH, n. 239).

Ant. Rogate quæ ad pacem sunt Ierusalem, et abundantiam diligentibus te. Propter fratres meos et próximos meos loquebar pacem de te.

Vel, præsertim in cantu: Exsúrge, Dómine, ádiuva nos: et libera nos propter nomen tuum, allelúia.

[Process. O.P. 125]

Vel: Mandátum novum do vobis (OHS, 94), In hoc cognóscant omnes (OHS, 94), Quærite primum (AG, 595).

℣. Salvos fac servos tuos et ancíllas tuas.

℟. Deus meus, sperántes in te.

Oratio

Deus, qui caritátis dona, per grátiam Sancti Spíritus, tuórum fidélium córdibus infudísti, da fámulis tuis, pro quibus tuam deprecámur cleméntiam, salutem mentis et córporis, ut te tota virtúte diligant, et, quæ tibi sunt plácita, tota dilectióne perfíciant. Per Christum.

Vel aliæ orationes: MR, n. 39 A, 844; n. 39 B, 845; n. 42, 849; n. 43, 850.

AD HORAS MINORES

Ad Horas minores vel ad Horam mediam, post lectionem brevem et ante orationem diei, pro benefactoribus dici possunt preces breviores similes illis quæ in Appendice II Liturgiæ Horarum inveniuntur.

B) Schemata autonoma

SERIES I

1

ADMONITIO PRÆVIA

Sciéntes credéntium preces gratas esse et effícales apud Dóminum, álii pro áliis rogémus, et quia ille promísit in médio nostrum esse, supplicémus ut univérsa Família Dominicána necnon benefactóres nostri in conspéctu eius vívere et eum fidéliter sequi váleant.

ANTIPHONA

Ant. Cantáte et psállite in córdibus vestris Dómino, grátias ágéntes semper pro ómnibus, in nómine Dómini nostri Iesu Christi, Deo et Patri.

Vel, præsertim in cantu: Pópulus meus, ait Dóminus, bonis meis adimplébitur. [AG 218]

Vel: Veníte, benedícti Patris mei, percípíte regnum, quod vobis parátum est ab origine mundi. [AG 420]

Vel: Diligámus nos ínvicem (OHS, 95), Quod uni (AG, 420).

PSALMUS

Ps 66: Deus misereatur nostri.

Vel:

Ps 122: Ad te levavi.

Vel:

Dan 9, 4-6. 17-19: Humilitas et pænitentia.

Vel:

Sap 11, 20b-26; 12, 1. 12a. 15-16: Laus Domini providentis.

ŷ. Memor esto congregatiónis tuæ.

R. Quam possedísti ab inítió.

Oratio

Deus, qui fámulos tuos in tribulatióne pósitos semper miserátus exáudis, pro benignitaté tua grátias ágéntes, te súpplīces deprecámur, ut, líberi a malis ómnibus, in gáudio tibi iúgiter serviámus. Per Christum.

Vel aliæ orationes: MR, n. 10, 804; n. 12, 807, vel oratio psalmica apta vel una ex precibus in honorem sancti Dominici, 741.

¶ In celebratione longiore, addi poterit pars altera, præcipue pro benefactoribus defunctis, cum antiphona, psalmo 129 et oratione appropriata.

BENEDICTIO FINALIS

Pax Dei, quæ exsúperat omnem sensum, custódiat corda vestra et intellegéntias vestras in sciéntia et caritaté Dei et Fílii sui, Dómini nostri Iesu Christi.

R. Amen.

¶. Ite in pace.

R. Deo grátias.

2

Admonitio prævia.

PRECES SEU INTERCESSIONES

Preces seu intercessiones dicantur ut in Missa vel in Liturgia Horarum ad Vesperas, vel iuxta schemata pænitiæ et laudis quæ in Proprio, 519, inveniuntur.

[Vocem Christi audiéntes: « Pétite et dábitur vobis », Patrem omnipoténtem humíliter deprecémur, dicéntes:]

Pater noster, etc.

Oratio

Deus protéctor in te sperántium, sine te nihil est válidum, nihil sanctum. Multíplica super nos et super

totam Familiam nostram misericórdiæ tuæ signa, ut inter mundánas varietátes, ibi nostra fixa sint corda ubi vera sunt gáudia. Per Christum.

Vel:

Præténde, Dómine, dexteram cæléstis auxilií super fámulos tuos Papam nostrum **N.**, super Magistrum Ordinis **N.** [vel Superiorem vel Superioríssam generálem Congregatiónis nostræ **N.**] totámque Familiam Dominicánam: ut per intercessiõem beátæ Mariæ semper Vírginis, sancti Ioseph, sancti Augustíni, sancti Domínici Patris nostri et ómnium fratrum qui iam in cælo collætántur, te toto corde perquirant et quæ digne póstulant assequántur. Per Christum.

BENEDICTIO FINALIS

Omnípotens Deus, qui hora cenæ vocáre ad nuptias invitátos nuntium suum beátum elégit Domínicum, eius prædicatióne et caritaté vos ducat ad ætérnum convívium.

R. Amen.

V. Adiutórium nostrum in nómine Dómini.

R. Qui fecit cælum et terram.

SERIES II

Admonitio prævia.

LECTIO BIBLICA

Mt 6, 31-33

Nolíte solliciti esse dicétes: « Quid manducábitus? », aut: « Quid bibémus? », aut: « Quo operiémur? ». Hæc enim ómnia gentes inquirunt; scit enim Pater vester cæléstis quia his ómnibus indigétis. Quærite autem primum regnum Dei et iustitiam eius, et hæc ómnia adiciéntur vobis. Nolíte ergo esse solliciti in crástinum; crástinus enim dies sollicitus erit sibi ipse.

RESPONSORIUM

Cf. 1 Thess 5, 18

℞. In ómnibus grátias ágite, * Sine intermissióne oráte (T.P. allelúia).

℣. Hæc est enim volúntas Dei in Christo Iesu in ómnibus vobis. * Sine. [Glória Patri. * Sine.]

[AJ I 649]

Vel responsorium breve: Magnificáte Dóminum (AG, 363), Cibávit eos (AG, 546), vel antiphona: Máneant in nobis (OHS, 97).

Vel alia:

Rom 12, 9-15

Diléctio sine simulatióne. Odiéntes malum, adhæréntes bono; caritáte fraternitátis ínvicem diligéntes, honóre ínvicem præveniéntes, sollicitúdine non pigri, spíritu fervéntes, Dómino serviéntes, spe gaudéntes, in tribulatióne patiéntes, oratióni instántes, necessitatibus sanctórum communicántes, hospitalitatem sectántes. Benedícite persecuéntibus; benedícite et nolíte maledícere! Gaudére cum gaudéntibus, flere cum fléntibus. Idípsum ínvicem sentiéntes, non alta sapiéntes, sed humílibus consentiéntes. Nolíte esse prudéntes apud vosmetípsos.

RESPONSORIUM

Cf. Ps 35, 9-10

℞. Inebriáti sunt ab ubertáte domus tuæ: * Et torrénte voluptátis tuæ potásti eos.

℣. Quóniam apud te est fons vitæ: et in lúmine tuo vidébimus lumen. * Et torrénte. [Glória Patri. * Et torrénte.]

[AJ II 484]

Vel responsorium breve: Benedícam Dóminum (AG, 156), Benedíctus es, Dómine (AG, 536), vel antiphona: Diligámus nos (OHS, 95).

Vel aliæ lectiones: Tob 12, 6-10; Prov 9, 3-6; Act 2, 42-47; 2 Cor 9, 6-15; Ap 21, 5-7.

Oratio

Omnes, per aliquod temporis spatium, in silentio orant.

Implorantes, Dómine, misericórdiam tuam, fideles pópulos propítius intuere, ut, qui de tua pietáte confidunt, tuæ caritátis dona ubique diffúndere váleant. Per Christum.

Vel aliæ orationes: MR, n. 25 A, 828; n. 41, 484; n. 42, 849.

BENEDICTIO FINALIS

Deus, qui in beáto Domínico offícium apostólicum dignátus est suscitáre, dignétur mentes vestras doctrínis apostólicis informáre.

R. Amen.

V. Benedicámus Dómino.

R. Deo grátias.

C) Prex brevis**1**

In fine alicuius exercitii Communitatis adiungi potest clausula sequens:

Retribúere dignáre, Dómine, ómnibus nobis bona faciéntibus propter nomen sanctum tuum vitam ætérrnam.

R. Amen.

2

Grátias Deo exhibeámus quod benefactóres in ópere Evangélíi et in communióne fídei et caritátis nobis sociáverit.

Oratio

Omnes, per aliquod temporis spatium, in silentio orant.

Deus, Pater donórum ómnium, a quo descénderet confitémur quidquid habémus aut sumus, benefícia

doce nos imménsæ tuæ pietátis agnóscere, ac te sincéro corde totáque nostra virtúte diligere. Per Christum.

Vel aliæ orationes: MR, p. 909; vel una ex precibus in honorem sancti Dominici, 741.

BENEDICTIO PRO ITINERANTIBUS

1. Cum frater (vel monialis vel soror) de aliqua Communitate ad aliam discedit, vel cum ad diuturnam missionem proficiscitur, preces aptæ fieri possunt.

2. Inter ea quæ hic proponuntur, seligi possunt quæ ad causam itineris, ad usus locales necnon ad formam opportune communitariam accommodari possint.

Preces vel celebratio ad liturgiam vel ad aliquod exercitium Communitatis, in choro vel extra chorum, coniungantur; gestus quoque symbolicus fieri potest, qui occasioni conveniat (v.g. venia, osculum pacis, aspersio, alicuius rei traditio, etc.).

Cum frater rediit vel novus frater in Communitatem suscipitur, oratio vel gratiarum actio fieri potest.

3. Inter has diversas possibilitates hæc notentur:
- in Missa conventuali: Missæ pro variis necessitatibus vel Missæ votivæ; orationes fidelium; benedictio sollemnis;
 - in Officio Divino: preces convenientes, vel memoria fratrum absentium eorumque apostolici ministerii, vel benedictio sollemnis;
 - in celebratione autonoma, vel in coniunctione cum Liturgia Horarum vel etiam nonnumquam cum Missa.

A) Quædam elementa

BENEDICTIO SOLLEMNIS

Deus, via, véritas et vita, iter tuum, cogitatiónes et omnes actus in beneplácito dispónat.

R. Amen.

Per diem te salutáris Dómini umbra circúmteget;
per noctem amíca quies, ipsíus grátiam revelatúra,
confóveat.

R. Amen.

Déxtera Dómini te mirabíliter dedúcat, præbeátque
ante fáciem tuam divínæ pacis ángelum cómitem.

R. Amen.

Et benedíctio Dei omnipoténtis, Patris, et Fílii, ✠
et Spíritus Sancti, descéndat super te (vos), et má-
neat semper.

R. Amen.

¶. Procédite, et cogitémus de Salvatóre nostro.

R. Deo grátias.

Vel alia formularia: v.g. MR, nn. 13, 14, 501-502 et
in Missis Propriis O.P.

Adhiberi etiam potest Oratio super populum (v.g.
MR, nn. 2, 9, 15, 20, 22, 507-510) vel, in fine alicuius Officii,
elementum pro commemoratione iuxta schema supra
positum, 767.

B) Schemata autonoma

SERIES I

Admonitio prævia.

ANTIPHONA

Ant. Annuntiáte inter gentes glóriam eius, in
ómnibus pópulis mirabília eius: quóniam magnus
Dóminus et laudábilis nimis.

Vel: Da pacem, Dómine, sustinéntibus te, et exáu-
di oratiónes servórum tuórum, et dirige nos in viam
iustítiæ.

Vel: In viam pacis et prosperitátis dirige nos
omnípotens et miséricors Dóminus: et Angelus Rá-
phael comitétur nobíscum in via, ut cum pace, sa-
lúte et gáudio revertámur ad própria.

Vel, præsertim in cantu: Ecce ego mitto (AG, 303), Ut cognoscámus (AG, 315), Angelis suis (AG, 959), vel: Sub tuum præsídium, 684 (AG, 127), Magne Pater, 322 (AG, 881).

PSALMUS

Ps 120: Levabo oculos meos in montes.

Vel:

Ps 24: Ad te, Domine, levavi animam meam.

Vel:

Ps 39, 2-6: Exspectans exspectavi Dominum.

[Ut omnes unum sint, in caritatē et dilectiōne fraternā oratiōnem dominicam Deo Patri dicámus:]

Pater noster, etc.

Oratio

Adesto, Dómine, supplicatiōnibus nostris, et viam famulórum tuórum in salutis tuæ prosperitatē dispone ut inter omnes viæ et vitæ huius varietates, tuo semper protegántur auxílio. Per Christum.

Vel aliæ orationes (LH IV, 1182; MR, n. 9, 803; n. 10, 804; n. 14, 813-814; n. 22, 821; vel ut in Missis Propriis C.P.: « Pro prædicatoribus », vel ut supra, 103 aut 194).

Iuxta locorum consuetudines, pacem et caritatem sibi invicem significant et Prior pacem dat fratri.

Deinde, cantari potest antiphona Salve, Regína vel alius cantus aptus in reverentiam Dominæ nostræ.

Dicitur benedictio et si fit dimissio, sequitur invitatio:

ψ. Procédite in pace.

℞. Deo grátias.

SERIES II

Admonitio prævia.

LECTIO BIBLICA

Io 15, 9-17

Sicut diléxit me Pater, et ego diléxi vos; manéte in dilectióne mea. Si præcépta mea servavéritis, manébitis in dilectióne mea, sicut ego Patris mei præcépta servávi et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis invicem, sicut diléxi vos; maiórem hac dilectiónem nemo habet, ut ánimam suam quis ponat pro amícis suis. Vos amíci mei estis, si fecéritis quæ ego præcípíio vobis. Iam non dico vos servos, quia servus nescit quid facit dóminus eius; vos autem dixi amícos, quia ómnia, quæ audívi a Patre meo, nota feci vobis. Non vos me elegístis, sed ego elégi vos et pósui vos, ut vos eátis et fructum afferátis, et fructus vester máneat, ut quodcúmque petiériitis Patrem in nómine meo, det vobis. Hæc mando vobis, ut diligátis invicem.

¶ **Vel aliæ lectiones:** Mt 10, 5b-14; Mc 6, 7-12; 1 Io 1, 1-7; 1 Io 4, 7-11, **vel ex Lectionario Missarum O.P.**

RESPONSORIUM 1 Cor 10, 17; Ps 67, 11; cf. Ps 132, 1

R. Unus panis et unum corpus multi sumus, * Omnes qui de uno pane et de uno cálice Participámus.

V. Parásti in dulcédine tua páuperi, Deus: qui habitáre facis unánimes in domo. * Omnes qui. [Glória Patri. * Participámus.] **[MG 101]**

Vel responsorium breve: Dóminus vias suas (AG, 382), A perículis cunctis (AG, Add. 20), **vel antiphona:** Congregávit nos (OHS, 97).

Oratio

Omnes, per aliquod temporis spatium, in silentio orant.

Corde famulorum tuorum, Dómine, illúmina Spíritus Sancti grátia: ignítum eis elóquium dona et iis, qui tuum prædicant verbum, largíre virtútis augméntum. Per Christum.

Vel:

Deus, cuius Fílius ómnibus in nómine suo congregátis promísit seípsum in médio eórum affutúrum, præsta quæsumus, ut illum præsentem nobiscum sentiámus, et abundáre in córdibus nostris grátiam, misericórdiam et pacem in veritáte et caritáte experiámur. Per Christum.

Vel aliæ orationes: MR, n. 10, 804; n. 14 A, 814; n. 39 B, 845.

BENEDICTIO FINALIS

Deus, qui benignitátem et humanitátem Salvatóris nostri fecit apparére in fámulo suo Domínico, vos quoque confórmes fáciat imágini Fílii sui.

R. Amen.

Y. Ite in pace.

R. Deo grátias.

V. LITANIÆ B. MARIÆ VIRGINIS AB ORDINE RECEPTÆ

Hic infra præbetur unum ex formulariis quo Litanie traduntur B. Mariæ Virginis ab Ordine receptæ et adhuc in multis Provinciis adhibitæ.

In locutionibus et forma, invocationes istæ exemplum præbent pietatis Medii Ævi necnon devotionis Orientis et Occidentis.

Iuxta chronicas quasdam, recentiores primitivis Fratribus, nonnumquam litanie istæ agnitæ sunt quasi illæ quas Humbertus de Romans et Capitulum generale anni 1256 præceperunt pro necessitatibus Ordinis (MOPH 3, 1898, pp. 82-83), quamvis textus Capituli expresse non dicat quæ Litanie essent dicendæ.

Textus sequens offertur ad libitum pro sodalium Ordinis communi utilitate. Eius adaptatio in linguam vernaculam, ut pro formulariis eiusdem generis, magna libertate fieri poterit et in locutionibus vertendis et in invocationibus consociandis.

Kýrie, eléison.	Kýrie, eléison
Christe, eléison.	Christe, eléison
Kýrie, eléison.	Kýrie, eléison
Christe, audi nos.	Christe, audi nos
Christe, exáudi nos.	Christe, exáudi nos
Pater de cælis Deus,	miserére nobis
Fili Redemptor mundi Deus,	miserére nobis
Spíritus Sancte Deus,	miserére nobis
Sancta Trínitas, unus Deus,	miserére nobis
Sancta María	
Mater Christi sanctíssima,	ora pro nobis
Sancta María Dei Génatrix Virgo,	ora
Sancta María Mater innúpta,	ora
Sancta María Mater invioláta,	ora
Sancta María Virgo vírginum,	ora
Sancta María Virgo perpétua,	ora
Sancta María grátia Dei plena,	ora
Sancta María æténi Regis fília,	ora
Sancta María Christi Mater et Sponsa,	ora
Sancta María Spíritus Sancti templum,	ora

Sancta María cælórum Regína,	ora pro nobis
Sancta María Angelórum Dómina,	ora
Sancta María scala Dei,	ora
Sancta María porta Paradísi,	ora
Sancta María nostra Mater et Dómina,	ora
Sancta María nostra spes vera,	ora
Sancta María nova mater,	ora
Sancta María ómnium fidélium fides,	ora
Sancta María caritas Dei perfécta,	ora
Sancta María imperátrix nostra,	ora
Sancta María fons dulcedinis,	ora
Sancta María mater misericórdiæ,	ora
Sancta María mater ætéрни Príncipis,	ora
Sancta María mater veri consílii,	ora
Sancta María mater veræ fídei,	ora
Sancta María nostra resurréctio,	ora
Sancta María	
per quam renovátur omnis creatúra,	ora
Sancta María génerans ætéرنum Lumen,	ora
Sancta María ómnia portántem portans,	ora
Sancta María virtus divínæ Incarnatiónis,	ora
Sancta María cubíle thesáuri cæléstis,	ora
Sancta María génerans factórem ómnium,	ora
Sancta María consílii cæléstis arcánum,	ora
Sancta María nostra salus vera,	ora
Sancta María thesáurus fidélium,	ora
Sancta María pulchérissima Dómina,	ora
Sancta María iris plena lætítia,	ora
Sancta María mater veri gáudii,	ora
Sancta María iter nostrum ad Dóminum,	ora
Sancta María advocátrix nostra,	ora
Sancta María stella cæli claríssima,	ora
Sancta María præclárior luna,	ora
Sancta María solem lúmine vincens,	ora
Sancta María ætéрни Dei Mater,	ora
Sancta María delens ténebras ætéرنæ noctis,	ora

Sancta María delens chyrógraphum
nostræ perditiónis, ora pro nobis

Sancta María fons veræ sapiéntiæ, ora
Sancta María lumen rectæ sciéntiæ, ora
Sancta María inæstimábile gáudium nostrum, ora
Sancta María præmium nostrum, ora
Sancta María cæléstis pátriæ desidérium, ora
Sancta María

spéculum divínæ contemplatiónis, ora
Sancta María ómnium Beatórum beatíssima, ora
Sancta María omni laude digníssima, ora
Sancta María clementíssima Dómina, ora
Sancta María consolátrix ad te confugiéntium, ora
Sancta María plena pietáte, ora
Sancta María omni dulcédine superabúndans, ora

Sancta María pulchritúdo Angelórum, ora
Sancta María flos Patriarchárum, ora
Sancta María humílitas Prophetárum, ora
Sancta María thesáurus Apostolórum, ora
Sancta María laus Mártyrum, ora
Sancta María gloriificátio Sacerdótum, ora
Sancta María decus Vírginum, ora
Sancta María castitátis lílium, ora
Sancta María super omnes féminas benedícta, ora
Sancta María reparátio ómnium perditórum, ora
Sancta María laus ómnium iustórum, ora
Sancta María secretórum Dei cónscia, ora
Sancta María sanctíssima ómnium feminárum, ora

Sancta María præclaríssima Dómina, ora
Sancta María margaríta cæléstis Sponsi, ora
Sancta María palátium Christi, ora
Sancta María immaculáta Virgo, ora
Sancta María templum Dómini, ora
Sancta María glória Ierúsalem, ora
Sancta María lætítia Israel, ora
Sancta María fília Dei, ora

Sancta María

Sponsa Christi amantíssima,	ora pro nobis
Sancta María stella maris,	ora
Sancta María diadéma in cápite summi Regis,	ora
Sancta María omni honóre digníssima,	ora
Sancta María omni dulcédine plena,	ora
Sancta María regni cæléstis méritum,	ora
Sancta María cæléstis vitæ iánua,	ora
Sancta María porta clausa et patens,	ora
Sancta María per quam intrátur ad Dóminum,	ora

Sancta María immarcescibilis rosa,	ora
Sancta María omni mundo pretiósior,	ora
Sancta María omni thesaúro desiderabílior,	ora
Sancta María áltior cælo,	ora
Sancta María Angelis múndior,	ora
Sancta María Archangelórum lætítia,	ora
Sancta María ómnium Sanctórum exsultátio,	ora
Sancta María	

honor, et laus, et glória, et fidúcia nostra,	ora
---	-----

Sancta María exténde manum tuam

et tange cor nostrum,

ut illúmines et liberes nos peccatóres,	ora
---	-----

Fília Dei, María,	nos réspice
-------------------	-------------

Fília Ióachim, María,	nos dílige
-----------------------	------------

Fília Annæ, María,	nos súscipe
--------------------	-------------

Agna Dei, tu porta spei,	porta nos ad Fílium
--------------------------	---------------------

Agna Dei, nos iungas ei,	virginále lílium
--------------------------	------------------

Agna Dei, da requiéri regnum	post exsílum
------------------------------	--------------

Pater noster - Ave María.

℣. Ora pro nobis, Sancta Dei Génatrix.

℞. Ut digni efficiámur promissionibus Christi.

℣. Dignáre me laudáre te, Virgo sacráta.

℞. Da mihi virtútem contra hostes tuos.

℣. Dómine, exáudi oratióem meam.

℞. Et clamor meus ad te véniat.

Oratio

Defénde, quæsumus, Dómine Deus, intercedénte
beáta et gloriósa Dei Genetríce María cum ómnibus
Sanctis tuis, nostram ab omni adversitaté Domum
et Congregatióem, et ab hóstium tuére cleménte
insídiis. Per Christum Dóminum nostrum.

R. Amen.

O MARIA, TEMPLUM TRINITATIS

O María, María, templum Trinitátis!

O María mare pacíficum, María donátrix pacis!

O María vas humilitátis

in quo viget et ardet lumen veræ cognitiónis.

O María, ego vídeo hoc Verbum esse in te,

et tamen non separátur a Patre,

sicut verbum mentále hóminis

quod licet proferátur et áliis comunicétur,

non tamen recédit vel separátur a corde.

Osténditur in te, María,

fortitúdo et libértas hóminis:

neque enim ante descéndit in úterum Dei Fílius

quam præbéres assénsus voluntátis tuæ.

Exspectábat ad iánuam tuæ voluntátis

numquam intratúrus nisi aperíres dicéndo:

« Ecce ancílla Dómini: fiat mihi

secúndum verbum tuum ».

Ad te, o María, recúrro,

tibi óffero petitióem meam

pro dulci sponsa dulcíssimi salvatóris nostri,

et pro vicário eiúsdem Iesu Christi:

uní pópulum eius

et confírma cor pópuli cum eo. Amen.

SUPPLICATIO PRO FILIALI DEDICATIONE BEATÆ MARIÆ VIRGINI

Ad te matrem, Virgo Mariá cum fidúcia fratres accédimus. Ad te prædicatóres confúgimus, quæ in verba de cælo missa credidísti et ea in tuo corde contulísti.

Circum te, quæ Apostolorum collégio semper ades, astámus per diversitátem linguárum multárum in unitátem córdium congregáti.

In te, quod recípimus, quod contemplámur, quod collaudámus, quod prædicámus, per quod vívimus, Verbum caro factum est. Sub tuo ígitur præsidio, Verbi incarnáti ministério nosmetípsos hódie dénuo devovémus, immo nos tibi ipsi dicámus ut, tecum Verbum intus audiéntes et uncti Spíritu cuius sacrárium extitísti, nómini Iesu Christi per orbem evangelizándo consecrémur.

Tu, illuminátis cordis óculis, Verbi mystérium cognovísti. Per te possímus eiúsdem præsentiam in nostri témporis história percípere, ut ad ipsum sine spéculo contemplándum perveniámus.

Per te Pater misit Fílium suum in mundum ut salváret eum. Per te valeámus, in conspéctu hóminum, testes fíeri veritátis, quæ líberat, et dilectiónis, quæ cóngregat.

Fratrum nostrórum vota huc túlimus et hic perpéndimus. Tu, Mater, vires adde et famíliæ nostræ conserva concórdiam, ut quæ decernénda iudicávimus, fraterná dilectióne coniúnti perficiámus, ad mundi salútem et Dei laudem et glóriam.

[Ex Actis Cap. Gen. O.P. 1974]